

612

TVB 周刊

WEEKLY



《學警狙擊》足本劇情



Laughing 慘死

若芯痛哭



草蜢演唱會
經典戰衣大晒冷

謝安琪 狂玩 謝安琪

獻出熒幕第一次



騎呢入廚



狂拉巴士



扮林亞珍



謝安琪

3月21日
星期六
《謝安琪玩謝安琪》
翡翠台
10:45PM

去年一首〈囍帖街〉唱得街知巷聞，成為《勁歌總選》的金曲金獎，歌紅連帶令歌者的謝安琪 (Kay) 人氣急升，出道三年，終於廣為人知，這位從小公司出身的歌手可算是握出頭來。

不過真正認識謝安琪是個怎樣的人又有多少個呢？有人說她高傲有性格，有人覺得她弱質纖纖，不堪一擊，又有人認為她文靜寡言，不擅交際。其實要了解這位歌壇新貴，最佳方法當然由她親身解說，這個星期六 (3月21日) 晚上10時45分翡翠台播映的特輯《謝安琪玩謝安琪》，就是要將謝安琪鮮為人知的一面公諸於世。

要玩得起，首先當然要被玩，節目當中會有很多好玩環節，玩扮林亞珍，玩拉巴士，玩「煮飯仔」，更會玩3D，將自己立體一面，完全奉上。

100%無花無假玩得盡情的謝安琪，這個星期六讓大家全程透視。

玩轉

謝安琪



立體·安琪

有別過往的歌星特輯，今次最特別之處是安排了3D環節，節目中Kay會教大家如何做3D眼鏡，去體驗她立體一面，不過想真正了解更多，最好當然由主人翁親自解說。

「我男人嘅感覺好似好靜，又甚至乎好惡，可能係因為唱嘅歌，好多時講社會現象，或者係好有觀點，所以令人感覺唔好惹，否則會鬧你。試過一啲唔熟嘅男生好似王浩信、周柏豪咁，第一次開口同佢哋講嘢，講多幾句之後就同佢哋講笑，結果令佢哋好驚訝，因為佢哋以為我好惡，點知我原來咁搞笑，所以識落就知原來我係一個幾貪玩得意嘅人，乜都玩得，核突、恐怖都可以，化醜妝都唔怕，唯一一樣唔可以玩係無禮貌，例如詆毀、挖苦之類，因為玩都係想開心，如果會令人唔開心，當然唔好玩。」

除此之外，Kay更自言是一個崇尚和平主義者。「我好少同人衝突，由細到大都無乜同人鬧過交，一個都無，就算老公都無，只得一個會鬧，嗰個就係我阿媽。其實我細個時好崇拜我阿媽，覺得佢乜都識，好叻，就連港姐都會畀佢貼中，不過之後就發現佢呢種只係師奶仔聰明，到大個咗，就有保護番我阿媽嘅心，而家大家好似調轉咗角色，佢好似細路，成日撒嬌，做嘢有時會不知所措，所以我要好似阿媽咁照顧佢，成日提點佢。」



真我面目

其實不用透過立體眼鏡，只要欣賞特輯，就可以睇到Kay很多平時不為人知的一面。

劍術高手

不過不用拍攝時，Kay即時俠士上身，將用來教學的棒，當劍般揮動，正如她所說，真的有貪玩一面。



變身教師

教大家做立體眼鏡，Kay立即變身教師，站在黑板前，感覺果然很有老師威嚴。



緊張演出

第一次拍屬於自己的特輯，當然緊張，尤其當日是第一日拍攝，所以完成一個鏡頭後，即馬上看 playback 重溫。



台下觀眾

節目會找來不同階層的人大唱〈轉帖街〉，適逢當日拍攝的學校亦有學生有份演繹，Kay決定做聽眾，看看一眾學生的水準如何，亦為他們打打氣。



可愛學生

Kay大讚學生的水準不俗外，見到可愛的小朋友，更忍不住上前邀請合照。

達成心願

特輯中會一償阿Kay的心願，讓她親自扮演林亞珍這個經典人物。

亞珍·安琪

林亞珍是Kay最喜歡的電視人物之一，鍾情的原因是欣賞她的堅毅不屈精神。亦因為跟林亞珍學習，堅持不放棄，謝安琪才有今天的成績。

「我出道由一間小公司經營，當中嘅辛酸唔係人人捱得，要自己化妝、整頭、揸車，遠唔識路就搭巴士，拎住五、六套衫一腳踢。做新人無錢，做乜都無錢，所以好閉翳，捱到積蓄都無晒，但都要死捱落去，呢樣堅持係對身邊人好似監製一個承諾，既然決定做一件事，就要做到大家滿意為止，其實當時唔算慘，不過真係辛苦。」

Kay還記得入行時，自己儲了二十多萬的積蓄去捱這段非常時間，以當時一個二十多歲的女孩來說，有這數目也不是易事，這時她更想過用這筆錢來開琴行。「因為我屋企環境唔差，可以自己賺錢自己儲，雖然我唔係揮霍嘅人，但過嘅生活水準用唔少錢，直到入行後至知道乜嘢叫做慳，試過連食嘢都計住，今日唔可以食超過廿八蚊。有一日聽到農夫首〈456wing〉，歌詞講到『戶口跌到雙位數』，我記得當時自己揸緊車出去做嘢，聽到呢首歌即刻喊，之後打電話畀陸永，因為我當時嘅戶口真係剩低雙位數，攞唔到錢出嚟，而家只有幾十蚊，今個月都唔知點算。之後首歌好hit，成為商台冠軍歌，我又打電話畀佢，問佢而家環境點，佢話而家戶口仲慘，要問阿媽借，我話我都無辦法，投靠咗我阿爸，問佢借錢，開始大家都搵屋企人接濟。」

跟陸永這番對話，Kay說印象難忘，當時兩人更擔心到四十歲時還要為金錢煩惱，可幸現在兩人都算有點成績，不再為沒錢而擔心。「當時真係諗過放棄，因為咁啱合約差唔多完，可以諗吓唔做，好彩之後收入好好多，所以做歌手有啲關口真係要捱。」



打扮費心

Kay笑言扮林亞珍一點也不易，其一是沒有芳芳姐的美貌，其二是這個角色有很多小動作要留意，所以頗花心思。



經典人物

導演更特別找來在三十年前有份演出「林亞珍」喜劇的祥哥來幫手客串，令今次演出更為神似。

相睇對象

方大同唱歌不俗就眾所周知，原來演戲也有搞笑一面，今次在劇中扮演林亞珍的相睇對象，所以帶備玫瑰作見面禮物。



好友客串

Kay亦找來兩位好友薛凱琪及方大同客串一角，令這個短劇的故事更吸引和精采。

KAY



女人·安琪

一個有家庭的事業型女歌手，比當一般歌手來得更辛苦，深明此道者，除了Kay外，還有今年將為人母的Kelly陳慧琳，兩人雖然同屬一間唱片公司，但鮮有合作機會，今次因為特輯終於可以讓兩人碰頭，一齊下廚煮食外，更可以一訴女人心事。

作為事業型女性，Kelly和阿Kay不約而同覺得最困難的地方就是時間分配問題，Kelly：「我哋嘅工作唔係由我哋安排，無規律之餘好多時又控制唔到，所以經常都要各方面遷就，才可以做到事業家庭兩兼顧。」對此Kay深表認同。「我都認為最大嘅敵人就係時間，要兩面俱圓要犧牲好多自我時間，另外體力都係難題，會消耗好勁，尤其有家庭同小朋友，所以一定要好好保養。」

除了體力透支，精神壓力也不少，遇上這樣情況，Kelly會跟身邊的女性朋友傾訴。「好彩身邊都有好多朋友都係一啲事業型女士，所以可以分享感受，同知道佢哋會點樣處理。」相反Kay就沒有太多這類的的朋友，「但我可以同好多人傾偈，好似今日第一次同Kelly傾偈，發現原來佢都好好傾，大家有好多嘢講，希望遲啲再有呢啲機會，同佢傾多啲。」

美食報答

Kelly是Kay其中一位最欣賞的歌手，為了答謝她來當特輯嘉賓，Kay決定首次下廚，炮製美食慰勞Kelly。



拆蟹組合

當日煮的材料，最難應付的就是拆蟹，兩人都忍不住心對活生生的蟹下手，結果你推我讓下，最後還是Kelly最勇敢，作了第一步的拆蟹示範。



驚慌斬骨

Kay買了豬骨煲湯給Kelly喝，由於平時甚少下廚，所以斬豬時時不免出現這種驚慌表情。



分工合作

Kelly當然不會讓Kay一人煮燴那麼可憐，所以主動幫手，齊齊落廚。



至愛梅菜

原來Kelly很喜歡食梅菜，難怪Kay要特別煮一味梅菜蒸鮑魚給她，事實梅菜很惹味，相信會令懷孕的Kelly胃口大開。



KAY



大力·安琪

謝安琪自稱「爆肺歌手」，她的身子一向都不是太好，不過今次在特輯中，她將會挑戰體力極限，單人匹馬拉巴士。



挑戰體力

第一次拉巴士，心情當然緊張，不過有專業教練在場指導，令Kay成功做到這個第一次。



準備工夫

做體力項目前，最重要就是有充足的熱身，所以Kay聽足教練吩咐，知道拉巴士要用大魄力，所以先壓腿鬆鬆筋骨。



巴士遊戲

除了用體力挑戰，Kay更率一眾好友包括農夫、薛凱琪、方大同一齊在巴士上玩遊戲，據聞會有連場爆笑鏡頭，大家記得留意。

夢想·安琪

謝安琪笑言兒時夢想是各行各業，包括做甘草演員、揸公共交通工具、售貨員、侍應、空姐、清潔等，一些大家平日都會見到的行業，她都希望去親身去感受一下，不過當了歌手，最大的夢想當然就是在紅館開個唱。📺



場外體驗

紅館開演唱會的願望將於五月達成，在此之前，Kay決定帶同Mr到紅館場外唱歌率先感受氣氛。

回味感受

未成名前，Kay每日也要到尖沙咀某商場彈琴表演，今次特輯也讓她回味當時的情況。



KAY





FASHION

Jean Paul GAULTIER
春瘋

LIVING

春日・有機食

TVBaby

Homemade 安全屋
防兒童家居意外

潔霸抗菌配方
超濃縮洗衣液



康子妮 無懼回南天
分享抗菌「衣」道